

К ОПУБЛИКОВАНИЮ

КОМИ РЕСПУБЛИКАЛӨН ОЛАНПАС

«Коми Республикаын олысьяслы социальнӧя отсалӧм йылысь» Коми Республикаса Оланпасӧ вежсьӧмъяс пыртӧм йылысь

Примитӧма Коми Республикаса
Каналан Сӧветӧн

2023 вося ӧшым тӧлысь 22 лунӧ

1 статья. Пыртны «Коми Республикаын олысьяслы социальнӧя отсалӧм йылысь» Коми Республикаса Оланпасӧ (Коми Республикаса канму власьт органъяслӧн индӧд-тшӧктӧмъяс, 2005, 3 №, 3765 ст.; 12 №, 4109 ст.; 2006, 1 №, 4180 ст.; 7 №, 4483 ст.; 2007, 2 №, 4703 ст.; 3 №, 4726 ст.; 4746 ст.; 6 №, 4835 ст.; 11 №, 5141 ст.; 2008, 5 №, 199 ст.; 11 №, 607 ст.; 609 ст.; 12 №, 725 ст.; 2009, 40 №, 736 ст.; 49 №, 991 ст.; 2010, 16 №, 296 ст.; 24 №, 577 ст.; 44 №, 1026 ст.; 2011, 5 №, 96 ст.; 6 №, 110 ст.; 14 №, 354 ст.; 23 №, 597 ст.; 37 №, 971 ст.; 2012, 6 №, 149 ст.; 20 №, 441 ст.; 63 №, 1552 ст.; 2013, 10 №, 205 ст.; 17 №, 348 ст.; 32 №, 593 ст.; 37 №, 707 ст.; 2014, 17 №, 317 ст.; 27 №, 507 ст.; 33 №, 666 ст.; 676 ст.; 2015, 11 №, 142 ст.; 149 ст.; 26 №, 350 ст.; 2016, 4 №, 52 ст.; 9 №, 100 ст.; 12 №, 139 ст.; 17 №, 231 ст.; 18 №, 263 ст.; 2017, 27 №, 487 ст.; 2018, 14 №, 234 ст.; 17 №, 305 ст.; 2019, 5 №, 63 ст.; 15 №, 206 ст.; 21 №, 312 ст.; 2020, 4 №, 31 ст.; 17 №, 277 ст.; 18 №, 293 ст.; 2021, 3 №, 42 ст.; 6 №, 110 ст.; 7 №, 136 ст.; 10 №, 205 ст.; 16 №, 289 ст.; 20 №, 364 ст.; 22 №, 399 ст.; 2022, 4 №, 32 ст.; 9 №, 114 ст.; 134 ст.; 135 ст.; 14 №, 210 ст.; 2023, 3 №, 36 ст.; 4 №, 53 ст.; 62 ст.; 6 №, 94 ст.; 7 №, 116 ст.; 8 №, 146 ст.; 154 ст.; 10 №, 192 ст.) татшӧм вежсьӧмъяс:

1. 19 статьяса 1 юкӧнӧ содтыны татшӧм сюрӧса 5.1 пункт:

«5.1) Коми Республикаса Веськӧдлан котырӧн урчитӧм пӧрадокын да мындаын канму да муниципальной велӧдан организациясын подув тшупӧда ӧтувъя, шӧр тшупӧда ӧтувъя велӧдан уджтасъяс серти велӧдчысьясӧс луннас ӧтчдысь дон босьттӧг пӧсь сӕянӧн могмӧдӧм.

Велӧдан организацияс вердӧны очнӧя велӧдчысьясӧс занятиес вылӧ наӧн волан лунӧ, кутшӧмъясӧс урчитӧма велӧдан организациялӧн велӧдан планӧн, кодъяслӧн федеральной оланпастэчас да (либӧ) Коми Республикаса оланпастэчас серти мукӧд подув серти вердӧм вылӧ инӧдыс абу;».

2. 19.1 статьяса 1.1 юкӧн гижны тадзи:

«1.1. Семьясын, кӧні быдтӧны (быдтӧсны) ӧкмысысь эз этшаджык челядьӧс (ассыныс, пи (ныв) пыдди босьтӧмаясӧс, дядьводз (ичиньводз) пиянӧс да дядьводз (ичиньводз) нывъясӧс), кодъясысь накӧд ӧтлаын олӧ куимысь абу этшаджык тыр арлыдтӧм челядь (кодъяслы эз на тыр 23 арӧс – сэк, кор челядь очнӧя велӧдчӧны став сикас велӧдан организациясын) (асланыс, пи (ныв) пыдди босьтӧмаяс, дядьводз (ичиньводз) пиян да

дядьводз (ичиньводз) нывъяс), бать-мам (пи (ныв) пыдди босьтысьяс) пиысь өтилы, кодъяслы сетöма «Бать-мам слава» орден, сетöны транспорт средство ньöбöм вылö öтчыдысь социальной мынтöм Коми Республикаса Вескöдлан котырöн урчитöм пöрадокын, формаын, мындаясын да условиеясын.

Тайö статьясö збыльмöдöм могысь транспорт средство улын гөгöрвосьö аймуын вöчöм автомашина, кöнi эм нельысь абу этшаджык пукалан места (водительлöн пуклöсысь öтдор), кутшöмöс Россия Федерацияса оланпастэчас серти абу босьтöма канму учётö да (либö) мый оз пыр кутшöмкö торъя мортлöн эмбурö, кутшöмöс ньöбöны официальной дилерлысь (дистрибьюторлысь) бать-мам (пи (ныв) пыдди босьтысьяс) пиысь өтилы эмбурö.

Транспорт средство ньöбöм вылö öтчыдысь социальной мынтöмсö сетöны öтчыдысь.

Транспорт средство ньöбöм вылö öтчыдысь социальной мынтöмсö, кутшöмöс индöма тайö юкöнын, сетöны сэк, кор семьяыс эз вöдитчы тайö Оланпаслöн 19.5 статьяса 2 юкөн серти транспорт средство ньöбöм вылö öтчыдысь социальной мынтöм вылö инöдөн.».

3. 19.5 статья гижны таdzi:

«19.5 статья. Сизим да унджык тыр арлыдтöм челядя семьяяслы социальной отсалан мераяс

1. Сизим да унджык тыр арлыдтöм челядя семьяяслы 6 арöссиянь 18 арöсöдз арлыда быд кагаöс (ассыныс, пи (ныв) пыдди босьтöмаöс, дядьводз (ичиньводз) пиöс, дядьводз (ичиньводз) нылöс) велöдан организацияын велöдчöм кезлö дасьтöм могысь велöдчан вонас öтчыдысь сетöны быдвоясь сьöмөн мынтöм – Коми Республикаса Вескöдлан котырöн урчитöм пöрадокын, мындаясын да условиеясын.

2. Сизим да унджык тыр арлыдтöм челядя семьяяслы, кöнi гозьяысь öтиыс либö кыкнанныс (батыыс либö мамыс (пи (ныв) пыдди босьтысьыс), кодi абу гöтыра (абу верöс сайын), олöны Коми Республика мутасын вит воысь оз этшаджык, сетöны транспорт средство ньöбöм вылö öтчыдысь социальной мынтöм Коми Республикаса Вескöдлан котырöн урчитöм пöрадокын, формаын, мындаясын да условиеясын.

Тайö статьясö збыльмöдöм могысь транспорт средство улын гөгöрвосьö аймуын вöчöм автомашина, кöнi эм квайтысь абу этшаджык пукалан места (водительлöн пуклöсысь öтдор), либö аймуын вöчöм утилитарной снегоход, кутшöмьясöс Россия Федерацияса оланпастэчас серти абу босьтöма канму учётö да (либö) кутшöмьяс оз пырны кутшöмкö торъя мортлöн эмбурö, кутшöмьясöс ньöбöны официальной дилерлысь (дистрибьюторлысь) либö организациялысь – транспорт средство вöчысьлысь – бать-мам (пи (ныв) пыдди босьтысьяс) пиысь өтилы эмбурö.

Транспорт средство ньöбöм вылö öтчыдысь социальной мынтöмсö сетöны öтчыдысь тайö юкөнса мöд абзацын индöм транспорт средствеясысь öти сикас ньöбöм вылö.

Тайö юкöнын индöм транспорт средство ньöбöм вылö öтчыдысь социальной мынтöмсö сетöны сэк, кор тайö семьяын бать-мам (пи (ныв)

пыдди босьтысьяс) пиысь некод эз вöдитчывлы тайö Оланпаслön 19.1 статьяса 1.1 юкөн серти транспорт средство ньöбöм вылö öтчыдысь социальной мынтöм вылö инöдön.

3. Тайö статьяын индöм социальной отсалан мераяс сетöм вылö семьяö пырысьяссö индöны ассьыныс, пи (ныв) пыдди босьтöм челядьöс, дядьводз (ичиньводз) пиöс, дядьводз (ичиньводз) нылöс тöд вылö босьтöмön, кодьяслы эз на тыр 18 арöс (кодьяслы эз на тыр 23 арöс – сэк, кор челядь очнöя велöдчöны став сикас велöдан организациясын), кодьяс социальной отсалан мера сетöм йылысь шыödчан лун вылö олöны бать-мамкöд (батькöд либö мамкöд (пи (ныв) пыдди босьтыськöд, кодi абу гöтыра (абу верöс сайын) öтлаын.

4. Тайö статьяын индöм социальной отсалан мераяс сетöм вылö семьяö пырысьяссö индöны:

1) челядьöс тöд вылö босьттöг, кодьяс серти бать-мамсö урчитöм пöрадокын мездöма бать-мам инöдьясысь либö дзескöдöма бать-мам инöдьясын, – бать-мам инöдьясысь мездан либö бать-мам инöдьясын дзескöдан период вылö;

2) челядьöс тöд вылö босьттöг, кодьяслы тырöма 16 арöс, кодьясöс урчитöм пöрадокын шуöма тырвийö кывкутны вермысьясön (эмансипируйтöмаясön).».

4. 21 статьяса 2 пунктö содтыны татшöм сюрöса «ф.3» пунктув:

«ф.3) тайö Оланпаслön 19 статьяса 1 юкөнлön 5.1 пунктön урчитöм социальной отсалан мераяс сетан пöрадок да мындаяс;».

5. 25.1 статьяын:

1) 4 юкөн гижны тадзи:

«4. Тайö Оланпаслön 2 статьяса 1 юкөнлön 8.6 пунктса да 19.1 статьяса 1.1 юкөнлön положениеясыс вынаöсь 2024 вося öшым тöлысь 31 лунöдз.»;

2) 5 юкөн гижны тадзи:

«5. Тайö Оланпаслön 2 статьяса 1 юкөнлön 8.2, 8.3 пунктъясса да 19.5 статьяса положениеясыс вынаöсь 2024 вося öшым тöлысь 31 лунöдз.».

2 статья. Тайö Оланпасыс вынсялö 2024 вося кöч тöлысь 1 лунсянь.

Коми Республикаса Веськöдлан котырлы лöсьöдны ассьыс нормативнöй инöда актъяссö тайö Оланпас серти.

Коми Республикаса Юралысь

В.В. Уйба

Сыктывкар

2023 вося öшым тöлысь 30 лун

115-РЗ №